



Վերջին տարիների ընթացքում Հայաստանի կրթության նախարարության կողմից անցկացվել են մի քանի մրցույթներ, որոնցում մասնակցություն են ունենում ոչ միայն Հայաստանի, այլև արևմտահայկական դպրոցների ուսանողները։

Մայիսի 19-ին մայրաքաղաքի թիվ 103 հանրային դպրոցում տոնական մթնոլորտ էր տիրում։ Հայկական բաժանմունքը հյուրընկալել էր պատվարժան հյուրերի՝ Կրաստանի խորհրդարանի պատգամավորներ Գեղեւան Փոփխաձեին եւ Ռուսլան Պողոսյանին, Կրաստանի նախագահի խորհրդական, «Կրաստան» թերթի խմբագիր Վան Բայբուրդյանին, Կրաստանի կրթության ու գիտության նախարարի խորհրդական Գիորգի Սիգուային, Կրաստանի ԿԳ նախարարության ազգային ուսումնական ծրագրերի վարչության ոչ վրացալեզու ուսումնական նյութերի համակարգող Կարինե Մանուկյանին, հայկական հասարակական կազմակերպությունների ներկայացուցիչներին։ Ուսուցիչներ ու ծնողներ էին եկել՝ մասնակիցը դառնալու շրջանավարտների հրաժեշտի ցերեկույթի։

Լուսավոր ապագայի սպասելիքներով եւ բաժանման անսքող թախիծը աչքերում օրվա հերոսներ են հայտնվում դահլիճում՝ Սերգո Ավետիսով, Կլարա Առաքելյան, Մկրտիչ Շահդինարյան, Համիկ Առաքելյան, Ալեքսանդր Վարդանյան, Էլենա Հարությունյան, Արմինե Սնիսյան, Մարգարիտ Կարախանյան, Անժելա Թեյմուրազյան, Առլետա Մարգարովա։

Նրանք մեր օրերում աշխարհում լայն տարածում գտած հարավկորեական պարով սկսեցին իրենց բեմերը, այնուհետ միջոցառումը մինչեւ վերջ հմտորեն առաջնորդեցին Կլարա Առաքելյանը եւ Մկրտիչ Շահդինարյանը։ Հարազատ կրթօջախին, սիրելի ուսուցիչներին եւ հոգատար դասուցիկին նվիրված անկեղծ սիրո ու խոստովանության, բաժանման ափսոսանքի խոսքեր էին հնչում շրջանավարտների շուրթերից, որոնք զուգորդվում էին երգ

ու պարով: Անսահման երախտագիտությամբ էին լցված վրաց հողին ու քաղաքամայր Թբիլիսիին վերաբերող կատարումները: Միջոցառման ընթացքում ցուցադրվեց շրջանավարտների մանկությունն ու դպրոցական տարիները փաստող լուսանկարների տեսահոլովակը: «Քաղաքում» հեռուստասերիալի հերոս Մխոյի (Համիկ Առաքելյան), դպրոցական մանդատուրիների (Մկրտիչ Շահդինարյան, Սերգո Ավետիսով) կերպարները տիպիկ մարմնավորող հումորային տեսարանները ուրախ շունչ հաղորդեցին միջոցառմանը:

Շնորհավորական տպավորիչ ելույթներով հանդես եկան դպրոցի երկրորդ (ուսուցչուհի՝ Լուիզա Մուրադյան) եւ 9-րդ դասարանների աշակերտները (ուսուցչուհի՝ Գայանե Մխիթարյան):

Իր ողջույնի խոսքում տնօրեն Նանա Շենգելիձեն ընդգծեց, որ տարիների ընթացքում շրջանավարտները աչքի են ընկել գիտելիքների նկատմամբ ցուցաբերած մեծ հետաքրքրությամբ եւ օրինակելի վարքով: Հուզիչ էին ինչպես դասղեկ Կարինա Օգանովայի, այնպես էլ կրթօջախի փոխտնօրեն Հասմիկ Պապիկյանի ելույթները, որոնք սաներին կոչ արեցին չերկնչել կյանքի անսպասելի մարտահրավերներից, այլ աշխատասիրությամբ ու իմացությամբ հաղթահարել դժվարությունները: Վրաստանի նախագահի խորհրդական Վան Բայբությանը համոզմունք հայտնեց, որ այս հրաշալի երիտասարդները, որոնք հայ եւ վրաց ժողովուրդների մշակույթների լիիրավ կրողն են, իրենց նման հազարավոր շրջանավարտների հետ միասին լրացնելու են Վրաստանի գալիքը կերտող բազմալեզու բանակի շարքերը: Սրտագին բարեմաղթանքներով, ապագայի ճիշտ ընտրություն կատարելու, առաջիկայում է՛լ ավելի լուրջ ու կազմակերպված լինելու ցակությամբ հանդես եկավ Կարինե Մանուկյանը:

Միջոցառումը գեղեցկացրեց «Անի» պարային համույթի (ղեկավար՝ Անգելինա Նազարյան-Քոչյան) «Սասնա պարը»:

Եվ ողջ ընթացքում գոհացնող էր շրջանավարտների գրագետ մայրենիի եւ նույնքան գրագետ ու սահուն վրացերենի իմացությունը, ինչը մեկ անգամ եւս հավաստիացնում է, որ այս սերունդը, պահպանելով իր ազգային դիմագիծը, արդյունավետ կներգրավվի երկրի հասարակական, մշակութային, քաղաքական ու տնտեսական կյանքին՝ նպաստելով բազմամշակույթ Վրաստանի զարգացմանը:

Հիշարժան տոնը ավարտվեց, իսկ օրվա վառ ու լուսավոր զգացողությունները դեռ երկար են մնալու թե՛ շրջանավարտների, թե՛ հանդիսականների սրտերում:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆԱԿԱՆ ԵՐԱՐԴՈՒԹՅԱՆ ԴԱՏԱՎՈՐՈՒԹՅԱՆ ԿԵՆՏՐԱԼ ԻՆՏԵՐՆԱԿԱՆ ԲԱԶՄԱ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆԱԿԱՆ ԵՐԱՐԴՈՒԹՅԱՆ ԴԱՏԱՎՈՐՈՒԹՅԱՆ ԿԵՆՏՐԱԼ ԻՆՏԵՐՆԱԿԱՆ ԲԱԶՄԱ